

遊方禮師

既遊諸方叅訪師德且要道具整肅初到入院便看西廊有息肩二字或駐鶴二字於此便歇或久住擔子平放或經過頭高頭低靠在壁上便取氅衣搭在左手或有直堂知客出來便穿氅衣稽首賓主或問來歷某州某觀師某姓答曰某處某州某姓問答已畢請入若旦過除鋪蓋外並皆入包鋪單了畢洗足更衣復見知客行禮曰卽日恭惟知賓大德先生起居多福某久聞仙隱特來瞻仰荷蒙收錄鋪單展鉢不勝感激之至稽首領見主者禮曰卽日恭惟提點真人起居清福某久聞道風廣博特來座下瞻仰尊顏荷蒙收錄鋪單展鉢不勝感激之至稽首

道藏輯要

全真清規

全

張集二

首或留茶畢起身相謝適間輕踐方丈荷蒙煎點下情無任激切屏營之至稽首行禮已畢歸單主者答曰山門有幸鶴駕來臨有失迎接不勝云云
又起單相留曰院門寂寥堂廚淡薄敢望高士久留鶴駕起助道風無任攀戀望恩之至稽首

堂門戒臘

接眾者先須旦過三日然後請入庫廳看驗文憑某處某年某月某日投師授道書錄青冊然後安單便看青冊排名排姓各看排單知已知人便遵戒臘前後必讓尊卑遠近上殿登堂依次序而行行住坐臥分長幼而居各守戒臘莫犯高低依院門